

طعم النجاح حلو لو جالك بعد الكفاح والصبر والمجهود..
واللي بيسعي لنجاحه بيوصل لغايته يكون بالنجاح موعود..
يعدي البحور والجبال وم الطريق الصعب لو بالفولاز مسدود..
وغن كان الوصول للنجاح صعب الأصعب المحافظة علي وجوده..
ونجاح من غير كفاح نجاح مزوق بالرجل يكون نجاح محدود..

واصحي يا بو إسماعين .: راح أقولك كلمتين..
عن رأيي في الناجحين .: أحلي كلام يتقال..
...

مش أي حد يكون .: ناجح بكام مليون..
والبنوك مديون .: يبقي راجل أعمال..
...

عايز نجاح بأساس .: والمادة مش مقياس..
الرك ع الإخلاص .: في سائر الأعمال..
...

أصل النجاح موضوع .: محتاج ضمير مسموع
ينجح نجاح مشروع .: بكفاح ورزق حلال

واصحوا يا ناجحين

ووحّدو المعين

...

زناتي المسحراتي

أصحي يا أي طالب .: عشان تعرف تجاوب..
نجاك له مطالب .: مذاكرة وإنتباه..
...

إفهم كل الدروس .: وسيبك م الكابوس..
مدرس بالفلوس .: الدولة معيناه..
...

إدّيني يا ابني ودك .: عايزك تنجح بجهدك..
لا مدرس بيه يساعد .: وأبوك مفيش معاه..
...

حقولك ع الافاده .: انجح وخذ شهادة
ليسانس في الأجاده .: نجاح يوصل مداه
...

اصحي للدروس

ووحده القدوس

...

واصحي يا اي عامل .: حملك تقيل وشايل
ناجح من غير مشاكل .: وتتحدي الصعاب
...

من أول ما رايتك .: يصيت لك التقيتك
إنسان سعيد في بيتك .: ومنتهي الشباب
...



زناتي المسحراتي

مفيش احقاد ف بالك .: فيالحي مفيش مثالك
نجاحك رأي مالك .: فاتح للكل باب

...

ولو إنسان بسيط .: ينجح بدون وسيط
ياخد في الدنيا سيط .: م الأرض للسحاب
واصحي للنجاح
ووحدهم الفتاح

...

موال

وأنا بودع الشهر الكريم بقول كلام في الصميم وبغتي للناجحين..
موال لا يتاقل بمال عشان موال في لون الورد والياسمين..
أصل النجاح صعب المنال محتاج لناس عل درب النجاح ماشين..
ده سر النجاح معروف وواضح وع المكشوف محتاج الكفاح والصبار..
واللي مهوش عارف يسأل دكتور زويل النجاح الحقيقي طريقه منين..

